

**Риёзус солиҳийн шарҳи / Ҳаё ва унинг фазилати ҳамда у билан
хулқланишга одатланмоққа тарғиб қилиш ҳақида / 1482-ҳадис**

1482 – وَعَنْ أَنَسٍ رَضِيَ اللَّهُ عَنْهُ: أَنَّ النَّبِيَّ صَلَّى اللَّهُ عَلَيْهِ وَسَلَّمَ كَانَ إِذَا أَوَى إِلَى فِرَاشِهِ قَالَ:

«الْحَمْدُ لِلَّهِ الَّذِي أَطْعَمَنَا وَسَقَانَا، وَكَفَانَا وَآوَانَا؛ فَكَمْ مِمَّنْ لَا كَافِيَ لَهُ وَلَا مُؤْوِيَّ». رَوَاهُ مُسْلِمٌ

[2715].

1482. Анас розияллоху анҳудан ривоят қилинади:

«Набий соллаллоху алайҳи васаллам тўшакларига кираётганларида
«Алҳамдулиллааҳиллазии атъаманаа, ва сақонаа, ва кафаанаа, ва ааваанаа.
Факам мимман лаа каафия лаху ва лаа муъвия», дер эдилар».

* Маъноси: «Бизларни едирган, ичирган, ҳожатларимизни раво қилган ва бошпана берган Аллоҳга ҳамдлар бўлсин. Ваҳоланки қанчадан қанча кишилар борки, уларнинг ҳожатини раво қилувчиси ҳам, бошпана берувчиси ҳам йўқ».

Имом Муслим ривояти.

Шарҳ: Ухлашдан олдин Жаноби Ҳақнинг берган неъматларини эслаб, шукр келтириш инсоннинг вазифасидир. Қанчадан қанча инсон оч, егани бир бурда нонга зор бўлган ҳолда у тўқ эканига, қанчадан қанча инсонлар сувсиз ва чанқоқ ҳолда у сувга қониб ухлаши, қанчадан қанча яшашга бош панаси йўқ инсонлар кўчаларда ётишганда юмшоққина ётоқда ётишлик буюк бир неъматдир. Ушбу дуо Аллоҳга берган неъматлари учун шукр келтириш мақсадида айтиладиган дуодир.

Манба: hadis.islom.uz



